

Bosna i Hercegovina  
Federacija Bosne i Hercegovine  
Tuzlanski kanton  
Ministarstvo trgovine, turizma i saobraćaja

Na osnovu člana 74. Zakona o državnoj službi u Tuzlanskom kantonu („Službene novine Tuzlanskog kantona“, br. 7/17 i 10/17) i Pravilnika o unutrašnjoj organizaciji Ministarstva trgovine, turizma i saobraćaja Tuzlanskog kantona, broj 05/1-02-23079/17 od 04.07.2017. godine, Ministarstvo trgovine, turizma i saobraćaja Tuzlanskog kantona objavljuje

**JAVNI OGLAS**  
za popunu upražnjenog radnog mjesta namještenika  
u Ministarstvu trgovine, turizma i saobraćaja Tuzlanskog kantona

- Referent za kancelarijsko poslovanje .....I izvršilac, na određeno vrijeme, do povratka zaposlenika s bolovanja

**Opis poslova:**

Referent za kancelarijsko poslovanje vrši rukovanje uređajima za kopiranje, umnožavanje, uvezivanje i štampanje materijala; pakovanje i otpremanje službene pošte i kurirske poslove; razduživanje akata kroz dostavne knjige; izradu lista za arhiviranje; pripremu dokumentacije za arhiviranje; obavlja i druge poslove po nalogu ministra i sekretara Ministarstva.

Opšti uslovi, u skladu sa članom 76. Zakona o državnoj službi u Tuzlanskom kantonu i posebni uslovi za prijem namještenika, koje kandidat treba da ispunjava su:

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova utvrđenih za navedeno radno mjesto,
- da u posljednje dvije godine od dana objavljivanja oglasa nije otpušten iz državne službe kao rezultat disciplinske kazne na bilo kojem nivou vlasti u Bosni i Hercegovini,
- da nije obuhvaćen odredbom člana IX 1. Ustava Bosne i Hercegovine,
- da ima vrstu i stepen školske spreme potrebnu za obavljanje poslova navedenog radnog mjesta prema Pravilniku o unutrašnjoj organizaciji, i to:
  - SSS - najmanje III stepen stručne spreme - tehnička ili stručna škola, odnosno KV radnik,
  - najmanje 6 mjeseci radnog staža u struci ostvarenog nakon završene navedene srednje škole,
  - položen stručni ispit za namještenike za rad u organima državne službe.

Uz prijavu na javni oglas, koja treba da sadrži kratku biografiju, broj telefona za kontakt i adresu prebivališta, kandidat treba priložiti sljedeće dokumente (originali ili ovjerene fotokopije):

1. Uvjerenje o državljanstvu (ne starije od šest mjeseci) ili ovjerena fotokopija CIPS-ove lične karte,
2. Izvod iz matične knjige rođenih,
3. Diploma/svjedočanstvo o stečenoj odgovarajućoj školskoj spremi,
4. Dokaz o potrebnom radnom stažu,
5. Dokaz o položenom stručnom ispitu za namještenike u organima državne službe,
6. Uvjerenje (ili ovjerena izjava kandidata ukoliko nije bio zaposlen u organu državne službe) da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
7. Ovjerena izjava kandidata da nije obuhvaćen odredbama člana IX 1. Ustava Bosne i Hercegovine.

Kandidat, pored navedene dokumentacije, može dostaviti i dokumentaciju kojom dokazuje pripadnost branilačkoj populaciji, u skladu sa Zakonom o dopunskim pravima branilaca i članova njihovih porodica – prečišćen tekst ("Službene novine Tuzlanskog kantona", broj: 5/12 i 5/14), i to: dokaz da se nalazi u evidenciji službe za zapošljavanje kao nezaposlena osoba i dokaz o pripadnosti branilačkoj populaciji.

Komisija za provođenje javnog oglasa, nakon utvrđivanja liste kandidata koji ispunjavaju uslove oglasa, obaviti će usmeni intervju sa kandidatima sa liste. O mjestu i terminu održavanja intervjua kandidati će biti pismeno obaviješteni.

Namještenik, koji bude primljen u radni odnos putem ovog javnog oglasa, dužan je dostaviti ljekarsko uvjerenje o zdravstvenoj sposobnosti (original ili ovjerena kopija, ne starije od tri mjeseca). U slučaju da kandidat ne dostavi ljekarsko uvjerenje nakon prijema, bit će odabran sljedeći kandidat sa liste, koji taj uslov ispunjava.

Svojeručno potpisanu prijavu i navedenu dokumentaciju treba dostaviti najkasnije u roku od 15 dana od dana objave javnog oglasa u dnevnim novinama "Oslobođenje", na adresu:

Ministarstvo trgovine, turizma i saobraćaja Tuzlanskog kantona  
„Za Komisiju za provođenje Javnog oglasa za prijem namještenika – ne otvarati"  
Rudarska broj 57  
75 000 Tuzla

Javni oglas će biti objavljen u dnevnim novinama „Oslobođenje“ i na web stranici Ministarstva trgovine, turizma i saobraćaja Tuzlanskog kantona.

Nepotpune, neuredne i neblagovremene prijave neće biti uzete u razmatranje.

MINISTAR

Mirsad Gluhić